

AC REMS društvo za usluge i trgovinu d.o.o. Sarajevo, ID:4201459430008, sa adresom u Sarajevu u ulici Terezije bb, zastupano po direktoru Musić Senadi (u nastavku **Društvo**)

i

AKADEMIJA LIKOVNE UMJETNOSTI U SARAJEVU, ID:4200425780007, sa adresom u Sarajevu, ul. Obala Maka Dizdara 3, zastupano po dekanesi (u nastavku **klijent**)

dana 15.1.2018. godine,
u Sarajevu , sklapaju slijedeći

UGOVOR O POREZONOM SAVJETOVANJU

Član 1.

Ovim ugovorom regulišu se međusobni odnosi između Društva i klijenta u obavljanju poslova poreznog savjetovanja. Društvo će svoj rad zasnivati na zakonima i propisima u skladu sa privrednim, poreznim i računovodstvenim sistemom BiH i FBiH, te osigurati klijentu na pouzdan i siguran način pravilnu primjenu poreznih propisa.

Član 2.

Društvo izvršava svoje obaveze na osnovu podataka, upita i isprava koje dobiva od klijenta.

Član 3.

Društvo će za klijenta obavljati slijedeće poslove:

- pomoć i savjetovanje klijenta o poreznim pitanjima, pomoć pri izradi poreznih prijava, pomoć pri izradi obračuna plaće te njihova obrada u jedinstvenom sistemu porezne uprave i kontrola ispravnosti uplaćenih doprinosa, savjetovanje i podrška pri knjiženju prihoda i rashoda, knjiženja osnovnih sredstava i sitnog inventara
- po potrebi zastupanje pred poreznim organima uz obavezno prisustvo radnika klijenta zaduženog za finansije i računovodstvo ili ovlaštenog predstavnika klijenta
- periodično ili po potrebi pregled cjelokupnog poslovanja, te uvid u dokumentaciju na osnovu koje su napravljeni izvještaji, a sve u cilju preventivnog djelovanja i kontrole ispravnosti knjiženja i ispravnosti finansijske dokumentacije
- savjetovanje i pomoć pri izradi PDV prijava i kontrola njihove ispravnosti sa aspekta primjene aktuelnih propisa koji uređuju tu materiju
- pomoć i savjetovanje u domenu svih poreza koji mogu biti od značaja za ispravnost primjene propisa i poslovanja klijenta

Član 4.

Društvo se obvezuje:

- da će se u radu rukovoditi poštenjem i nepristranošću,
- da će svoje znanje i vještine koristiti na dobrobit klijenta,
- da će savjesno obavljati svoje poslove i štiti prestiž profesije.

Član 5.

Klijent će za pružene mu usluge navedene u ovom Ugovoru, plaćati Društvu mjesečno iznos od 500,00 KM (slovima :petstotina konvertibilnih maraka) plus pripadajući PDV u iznosu od 17% što ukupno iznosi 585,00 KM (slovima:petstotinaiosamdesetpet konvertibilnih maraka) i to do petog (5) u mjesecu za protekli mjesec, uplatom na žiro račun Društva broj :3386902222768598, koji se vodi kod UniCredit banke dd Mostar – poslovnica Sarajevo, a Društvo će izdavati račun klijentu za pružene usluge.

Član 6.

Društvo je dužno čuvati kao poslovnu tajnu sve ono što mu je klijent povjerio, ili što je u radu saznao na drugi način. Tajnu su dužne čuvati sve osobe koje rade u Društvu ili su

radile u Društvu. Društvo može činjenice i podatke iznositi u toku poreznog, prekršajnog ili sudskog postupka, ako je iznošenje tih podataka važno za utvrđivanje poreznog duga.

Član 7.

Klijent odgovara za:

- pravovremeno plaćanje svih poreznih obaveza prema poreznim organima, uz uslov da su te obaveze tačno iskazane od strane finansijske službe klijenta a ujedno potvrđene od strane Društva,
- za eventualnu štetu koja zbog postupanja ili zbog krajnje nepažnje Društva nastane za porezni organ odgovoran je sam porezni obveznik, odnosno klijent, a on može od Društva regresno zahtijevati naknadu štete koja mu je nastala kao posljedica neprofesionalnog poreznog savjetništva
- nedostavljanje ili neprikazivanje dokumenata i ostale dokumentacije Društvu, zbog čega Društvo nije moglo izvršiti poslove pravovremeno i u skladu sa zakonom,
- kašnjenje u dostavi potrebne dokumentacije zbog čega nije mogla biti izvršena pravovremena obrada i izrada poreznih dokumenata ili pravovremeno savjetovanje u vezi sa njima, pa je zbog toga i došlo do kašnjenja plaćanja poreznih obaveza prema poreznim organima ,
- gubitak dokumentacije koja se nalazi u njegovom posjedu.

Član 8.

Društvo odgovara za :

- za rad svojih radnika i za rad trećih osoba koje rade u ime i za račun Društva,
- izradu nepravilnih podataka za oporezivanje na temelju tačne i pravovremeno dostavljene dokumentacije,
- netačnosti i pogreške prilikom unosa podataka iz knjigovodstvenih podataka u porezne podatke,
- davanje dokumentacije trećim osobama bez pristanka klijenta .

Član 9.

Odgovornost Društva za propuste koji spadaju u utaje, pomaganje, ili prikrivanje utaje poreza, ili nezakonita umanjena porezne obaveze klijenta utvrđuje se prema važećim propisima.

Član 10.

Klijent koji nije zadovoljan uslugama Društva može podnijeti prigovor Društvu, a ako Društvo ne otkloni primjedbe, klijent može tražiti zaštitu sudskim putem .

Član 11.

Ovaj Ugovor sklapa se na neodređeno vrijeme, a svaka ugovorna strana ima pravo na raskid ugovora uz otkazni rok od 90 dana. Zahtjev za raskid Ugovora ne mora biti obrazložen. Raskid ugovora dostavlja se drugoj ugovornoj strani pisanim putem i to preporučeno. Istekom otkaznog roka navedenog u stavu 1. ovog člana Ugovor prestaje da vrijedi, i Društvo je u narednom roku od 30 dana dužno vratiti klijentu svu dokumentaciju koja se nalazi u Društvu.

Član 12.

Ugovorne strane su saglasne da će eventualne nesporazume rješavati mirnim putem, u suprotnom ugovaraju nadležnost suda u Sarajevu.

Član 13.


Ovaj Ugovor sastavljen je u četiri (4) primjerka, po dva (2) za svaku ugovornu stranu.

Društvo



"AC REMS"
d.o.o. Sarajevo

Klijent



SARAJEVO, 29.01.2018
103111